

জাতীয়

স্থানীয় সরকার মন্ত্রী

দায়িত্ববোধ-সচেতনতা তৈরি করা গেলে পরিচ্ছন্ন শহর গড়ে তোলা সহজ হবে



প্রতিবেদক: প্রোব ডেস্ক

প্রকাশের তারিখ: বুধবার, ১৫ জুলাই ২০২৬, ০১:৪৩ PM



ছবি: সংগৃহীত

পরিচ্ছন্ন, বাসযোগ্য ও আধুনিক ঢাকা গড়তে নাগরিক সচেতনতার ওপর সর্বোচ্চ গুরুত্বারোপ করে স্থানীয় সরকার, পল্লী উন্নয়ন ও সমবায় মন্ত্রী মির্জা ফখরুল ইসলাম আলমগীর বলেছেন, নগরের আয়তন ও জনসংখ্যা বাড়ার সঙ্গে সঙ্গে বিভিন্ন সমস্যাও বাড়ছে। এসব সমস্যা সমাধানে নাগরিকদের সবার মধ্যে দায়িত্ববোধ-সচেতনতা তৈরি করতে হবে।

তিনি বলেন, প্রাথমিক বিদ্যালয় থেকেই শিশুদের মধ্যে শহর পরিচ্ছন্ন রাখার শিক্ষা, দায়িত্ববোধ ও সচেতনতা তৈরি করতে পারলে ভবিষ্যতে একটি পরিচ্ছন্ন শহর ও দেশ গড়ে তোলা অনেক সহজ হবে।

বুধবার (১৫ জুলাই) দুপুরে গুলশান-২ এর নগর ভবনে ঢাকা উত্তর সিটি করপোরেশন (ডিএনসিসি) আয়োজিত 'নগরের বর্জ্য ব্যবস্থাপনা :

আমার-আপনার সবার দায়িত্ব শীর্ষক সেমিনারে তিনি এসব কথা বলেন।

মন্ত্রী বলেন, দেশে এখনো নির্ধারিত স্থানে ময়লা ফেলার সংস্কৃতি গড়ে ওঠেনি। অথচ বিশ্বের উন্নত দেশগুলোতে মানুষ নিয়ম মেনে নির্ধারিত স্থানে বর্জ্য ফেলে। এ পরিবর্তনের জন্য জনসচেতনতার বিকল্প নেই।

নাগরিকদের প্রতি আহ্বান জানিয়ে ফখরুল ইসলাম আলমগী বলেন, আমরা নতুন করে দেশ গড়ার স্বপ্ন দেখছি। এ কাজে দল-মত নির্বিশেষে সবাইকে একসঙ্গে কাজ করতে হবে। আমরা কোনো দল দেখতে চাই না, বাংলাদেশকে দেখতে চাই। ঢাকার নাগরিক হিসেবে যে দায়িত্ব আমাদের, তা সবাইকে আন্তরিকতার সঙ্গে পালন করতে হবে।

স্থানীয় সরকার মন্ত্রী বলেন, প্রতি বছর বর্ষা মৌসুম শুরু হলেই রাজধানীর বিভিন্ন সড়কে খোঁড়াখুঁড়ি শুরু হয়। কারণ, এ সময় উন্নয়ন প্রকল্পের অর্থ ছাড় হয়। এই বাস্তবতা পরিবর্তন করা কঠিন হলেও পরিকল্পিতভাবে কাজ করার ওপর গুরুত্ব দিতে হবে।

বুড়িগঙ্গা নদীর দূষণ নিয়ে উদ্বেগ প্রকাশ করে মির্জা ফখরুল ইসলাম আলমগীর বলেন, এক সময় বুড়িগঙ্গার পানি ছিল স্বচ্ছ। এখন নদীর দুর্গন্ধের কারণে তীরে দাঁড়ানোও কঠিন হয়ে পড়েছে। নদীর তলদেশে প্রায় ৬ মিটার পলিখিনের স্তর জমেছে, যা অত্যন্ত উদ্বেগজনক।

তিনি বলেন, বুড়িগঙ্গাসহ রাজধানীকে ঘিরে থাকা নদীগুলোকে রক্ষা করা গেলে ঢাকার পরিবেশ ও জীবনযাত্রার মান অনেক উন্নত হবে। বুড়িগঙ্গা নদী পুনরুদ্ধারের বিষয়ে প্রধানমন্ত্রীর সঙ্গে আলোচনা হয়েছে এবং এ বিষয়ে তিনি ইতিবাচক সাড়া দিয়েছেন। বুড়িগঙ্গার পানি ব্যবহারযোগ্য করা গেলে ভবিষ্যতে মেঘনা নদী থেকে পানি এনে ঢাকায় সরবরাহের প্রয়োজন কমে যাবে।

মন্ত্রী বলেন, নারায়ণগঞ্জের রূপগঞ্জে গন্ধর্বপুর পানি শোধনাগার প্রকল্প চালু হলে প্রতিদিন মেঘনা নদীর ৫০ কোটি লিটার পানি বিশুদ্ধ করে ঢাকা শহরে সরবরাহ করা সম্ভব হবে। তবে রাজধানীর নিজস্ব নদীগুলোকে রক্ষা করাই দীর্ঘমেয়াদি ও টেকসই সমাধান।

অনুষ্ঠানে সভাপতিত্ব করেন ঢাকা উত্তর সিটি করপোরেশনের (ডিএনসিসি) প্রশাসক মো. শফিকুল ইসলাম খান।

এ বিভাগের আরও খবর



মুক্তিযুদ্ধে শহীদদের পূর্ণাঙ্গ তালিকা করা হচ্ছে : সংসদে প্রধানমন্ত্রী মুক্তিযুদ্ধে শহীদদের একটি পূর্ণাঙ্গ তালিকা প্রণয়নে কর্মপরিকল্পনা প্রণয়ন ও কার্যক্রম গ্রহণ করা হয়েছে বলে জানিয়েছেন প্রধানমন্ত্রী তারেক রহমান...



চোরাচালান ও পাচার রূপে নতুন আইন কার্যকর ভূমিকা রাখবে: স্বরাষ্ট্রমন্ত্রী
সংযুক্তি অপরোধী চক্রের ডিজিটাল প্ল্যাটফর্ম ও প্রযুক্তির অপব্যবহার রূপে এবং মানব পাচার ও অভিবাসী চোরাচালান দমনে নতুন আইন কার্যকর ভূমিকা রাখবে...



সরকারি চাকরিজীবীরা ৪ ক্যাটাগরিতে ইনক্রিমেন্ট পাবেন , কোন গ্রেডে কত
নবম পে স্কেলে নতুন নিয়মে ইনক্রিমেন্ট পাবেন সরকারি চাকরিজীবীরা। এ ক্ষেত্রে উচ্চ গ্রেডের তুলনায় অপেক্ষাকৃত বেশি সুবিধা ভোগ করবেন নিম্ন ও মধ্যম...



বরখাস্ত হলেন সাবেক অতিরিক্ত পুলিশ সুপার তোহিদুল ইসলাম
দীর্ঘদিন কর্তৃপক্ষের অনুমতি ছাড়া কর্মস্থলে অনুপস্থিত থাকার অভিযোগে সাবেক অতিরিক্ত পুলিশ সুপার (ইন্ডাস্ট্রিয়াল পুলিশ) মো. তোহিদুল ইসলামকে চাক...

Copyright Dhaka Probe

অনলাইন সংস্করণ পড়তে ভিজিট করুন: <https://www.dhakaprobe.com/national/dayitbbodh-schetnta-toiri-kra-gele-prichchhnn-shhr-gre-tola-shj-hbe>